

20. mart 2020.

OTVORENO PISMO ŠEFOVIMA DRŽAVA I VLADA IZ ZEMALJA G20

Kompanije i radnici su se ujedinili širom svijeta i pozivaju lidere G20 na koordinirane akcije koje neće nikoga ostaviti po strani u odgovoru na pandemiju COVID-19.

Poštovani svjetski lideri,

Pišemo Vam u ime Međunarodne trgovačke komore (MTK), institucionalnog predstavnika 45 miliona kompanija u svijetu i Međunarodne konfederacije sindikata (MKS), globalnog glasa radnih ljudi širom svijeta.

Pozdravljamo nedavnu najavu Predsjedništva G20 da ove sedmice održi virtuelni samit u cilju pripreme odgovora na pandemiju COVID-19. Lideri G20 imaju jedinstvenu važnu ulogu u trenutnoj krizi koja sa sobom donosi sve veće ljudske i ekonomske troškove. Uvjereni smo u našem ubjeđenju da samo koordinirana globalna akcija može biti učinkovita u rješavanju ove prijetnje koja po svojoj prirodi ne poznaje granice.

S tim u vezi, kolektivno pozivamo lidere G20 da se posvete hitnoj akciji da:

- Stave pod kontrolu infekciju i dostave medicinske proizvode onima koji ih najviše trebaju. G20 mora zaustaviti – i obavezati se da će izbjegavati zabrane izvoza ili ograničenja na slobodan protok svih medicinskih roba, lijekova, dezinfektanata, sapuna i opreme za ličnu zaštitu. Sa zabrinutošću smo tokom prethodne sedmice pratili izvještaje o udvostručavanju broja ograničenja izvoza esencijalnih proizvoda za borbu protiv pandemije COVID-19.

Potrebno je odmah zaustaviti politike *'osiromaši susjeda'* – a u najmanju ruku zbog globalne prirode potrebe da se osigura dostava medicinskih proizvoda, hrane i drugih esencijalnih proizvoda. Kratkovidna trgovinska ograničenja će samo pogoršati potencijalno dugoročne posljedice virusa koji jednostavno prelazi granice.

- Osiguraju direktnu podršku malim preduzećima i radnicima. Mikro, mala i srednja preduzeća, koja predstavljaju kičmu svjetske ekonomije i njihovi radnici koji čine 80% zaposlenih u velikom broju zemalja – biće najteže pogođeni ekonomskim posljedicama pandemije COVID-19. Pozivamo lidere G20 da odobre hitne stimulacije i zaštitne mjere kako bi osigurali podršku mikro, malim i srednjim preduzećima, kao i prihodima pogođenih radnika – uključujući i onima u neformalnom sektoru – kako bi izbjegli širenje nezaposlenosti. Moramo održati vitalnost miliona malih preduzeća i sigurnost radnih mjesta širom svijeta, od kojih zavisi toliko mnogo radnika i njihovih porodica. Potrebno je dogovoriti hitno povećanje socijalne zaštite za raseljene radnike i one u karantinu.

- Omoguće privatnom sektoru da osigura podršku za testiranje: Kako uporno govori generalni direktor SZO, Dr. Tedros Adhanom, hitnost ove krize poziva na pristup cjelokupnih vlada, cjelokupnih društava. Mi pozivamo zemlje G20 da sarađuju sa svim javnim i privatnim pružiocima usluga kako bi se poboljšalo testiranje na COVID-19, kako bi bilo dostupno svima i bez diskriminacije. Za ovo je neophodno koristiti sve snage privatnog sektora kako bi mogli pomoći organima za javno zdravlje da obave široko testiranje uz adekvatne garancije privatnosti. Nekoliko zemalja je već poduzelo ove korake, ali potrebna je hitna akcija odmah da se spase životi.
- Povećaju međunarodnu pomoć: Kriza u našim zemljama ne može biti izgovor da po strani ostavimo one kojima najviše treba pomoć. Pozivamo lidere G20 da značajno povećaju finansijsku pomoć i tako pomognu najsiromašnijim zemljama svijeta da se izbore sa posljedicama pandemije COVID-19 – povećanjem finansijske pomoći za programe javnog zdravlja, ali i širim mjerama socijalne i zaštite prihoda, koje moraju biti u centru ekonomskih intervencija. Sva potrebna pomoć vlada usmjerena na preduzeća mora nastojati da osigura adekvatno plaćeno bolovanje za sve radnike, a iznad svega, da ljude zadrži na radnim mjestima.

Još jednom ponavljamo naše čvrsto uvjerenje da samo učinkovita globalna saradnja može umanjiti potencijalne ljudske i ekonomske posljedice pandemije COVID-19. Ograničenja politika zatvaranja u sebe se već vide. MTK i MKS već poduzimaju hitne akcije kako bi osigurali da naše mreže poduzimaju korake usmjerene na ublažavanje posljedica pandemije COVID-19. Samo ako zajedno radimo, možemo pobijediti COVID-19. Spremni smo da učinimo i više – a socijalni dijalog nikada kao do sada nije bio tako važan – ali nam hitno treba Vaše političko vodstvo.

Srdačno,



Paul Polman
Predsjedavajući MTK



Ayuba Wabba, Predsjednik MKS



John W.H. Denton AO
Generalni sekretar MTK



Sharan Burrow
Generalni sekretar MKS